

Mekana ε Pɔl, yii bhɔɔba pε daa Timote Timote Bɔɔba Eniel

Mekana mε membá nakyeeda nε Timote ε, ye nabe é lwomel e mesik mε mot-lwoma Pɔl, nyey e membok (2.9), ye nabe é mbula bot nabet nyε (1.15; 4.10-16). Eghen tak, nyε nabe é nyε eezenaagu náá, nyε moo aagwyε (4.6). Nyε naamwana nε Timote mot nadi egyee nε nε tɔ mesa ɔ, mot nyε nadi ekwyel dáa mɔn ɔ.

Mekana mak kaadaa ε tsik ε Pɔl: étep mesa mε dáa mot lwoma, melyo mε, mezuk mε kɔ esu ε Mbεε Bhaadal. Pɔl epedje melyo nε Timote. Nyε epedje nyε megghaaz náá, nyε waaboma nε mezuk kɔ esu ε mesa mε Klisto (2.1-13). Bhii tak, nyε epebaaleε náá, nyε goola enyɔpe mekpa mε Zεεb (2.14—4.15). Dum nε tep tak ε, Timote goka é nε ekaab eni tɔ be mεwɔ, elum kon nε bot ε mesyem, ebanja mεfulu mε Pɔl. Esok nε etep djas, nyε goka é nε edi sosoob nε melyo mε Pɔl nε yii bedhiiti belyoel ekeletyε nalyo nyε é.

Bhis eboo betyaases ε Yezu aagwyε é, bot ε nadjila be e mesa mε etyaases ɔ, nabaazokε ε dáa bɔɔ. Ye é deenek ε, *be nabaal enyɔpe mekpa* mε be nagwak nε belyoel bɔɔ ε. Tin, be baagoka ε nε elaa bemekana mε na Dεε. Eghen Pɔl nakwyal Timote bemekana ε, e sok tak, bemekana mε tak nadi é, yii Ebhen ε Namwa, neghu ba bedhiiti bɔɔ epes mekana mε Ebhen ε na Bes. Ekwyala bak djas ε «nε

boo metan étɛp ɛlyo bot etsɛɛtsɛ, étɛp esa náá bot myaal, étɛp ɛkoobal embee mɛsa mɔɔ, étɛp esa náá mot di nɛ tsik epiki» (3.16).

Mɛswosel

¹ Ye é mam, Pɔl mot-lwoma ɛ Yezu Klisto tɔ ɛkwosak ɛ Zɛɛb, mɛ é wak ɛ étɛp ɛgoola bin tsik. Ye é tsik Zɛɛb edjɛ mena kɔ ɛsu ɛgwakel ɛ lena nɛ Yezu Klisto.

² Mɛ kwyal mɛkana mak ɛ nɛ wɔy Timote mɔn'am mɛ di ɛkwyɛl ɔ: beta náá, enɛm nɛ embɛɛ, nɛ lyem ghon, nɛ egwyem ɛ Zɛɛb sɛɛg bɛ nɛ Yezu Klisto di nɛ nɔ.

Pɔl ɛpeghaapɛɛ Zɛɛb kɔ ɛsu ɛ Timote

³ Mɛ ɛpeghaapɛɛ Zɛɛb mot mɛ di esa mɛsa mɛ nɛ lyem wat dɔá bɛbhaab'am nasa ɛ. Mwos nɛ pum e sok mɛ di edjaala Zɛɛb ɛ, mɛ nɛ dyeabadjaala étɛp'ɔ.

⁴ Mɛ ɛpetaala menjal mɔ, e di'enek, mɛ é nɛ gwyes ɛbee wɔ étɛp lyem'am neelwood nɛ mɛmyaala.

⁵ Mɛ ɛpebaataala dɔɔ nɛ ɛdum ɛ konj nɛ Zɛɛb, wɔ zedum nɛ lyem wat ɛ. Ye é kɔkɔ mbi ɛdum ɛ konj nɛ Zɛɛb yii naye yɔ Loyis nɛ nyoog Enis nadi nɛ ye é. Mɛ eemyal náá, kɔkɔ mbi ɛdum ɛ konj ɛlenek ɛ tɔ lɔ.

Zuka nɛ nam kɔ ɛsu ɛ mbɛɛ Bhaadal

⁶ Ye é étɛp tak ɛ mɛ baadi ɛlɛɛ nɛ nɔ náá, baawyl mɛgɔo mɛ ɛkɛɛ ɛ Zɛɛb nadjɛ wɔ ɛ, e sok mɛ nakel wɔ mɛmbɔ ɛ.

⁷ Etɛɛ náá, Sisim Zɛɛb nadjɛ mena ɛ, ye nabɛ é ààbɛ etɛɛ náá mena di bɛtyak-bel, ye é Sisim ghwyil, yii kwyɛl nɛ yii ɛdil ɛ lyem.

⁸ Sa wɔ ààdi nɛ syen ɛgoola Mbɛɛ Bhaadal ɛ Ghɛɲ'enaka. Sa wɔ ààbaadi nɛ syen nɛ nam, mot di kwom kɔ ɛsu ɛ lɛ ɔ. Deenek, myaala ɛzuk sama nɛ

nam étɛp Mbɛɛ Bhaadal. Tin, dia nɛ ɛbwaalel nɛ ghwyil Zɛɛb di edjɛ mena ɛ.

⁹ Nyey é natsik mena, nɛ esa náá mena dika bot é dhaad mbyak'ɛ. Ye nabe é ààbɛ kɔ esu ɛ enɛm esa bena, ye nabe é egeka bɛ met nɛ enɛm nɛ embɛɛ bɛ met. Tin, Zɛɛb naadjɛ mena enɛm nɛ embɛɛ binek e ze ɛ Yezu Klisto, ɛsok nɛ nyɛ nekus bhwak.

¹⁰ Tin, ɛkɛɛ enɛm nɛ embɛɛ tak kazɛnyen mos ɛ e etuula ɛ mɛtsik-bot menaka Yezu Klisto. Nyey ɛ mot nakwak ɛsyee ɔ, dum nɛ Mbɛɛ Bhaadal ɛ nyɛ natel mena tsik na kɔm-kɔm.

¹¹ Zɛɛb naadjɛ mɛ mɛsa mɛ ɛdi mot-lwoma nɛ lyoel, étɛp ɛkɛgoola Mbɛɛ Bhaadal.

¹² Kɔ esu ɛ tak ɛ, mɛ di ebee mezuk mɛ mɛ di ezuk'aak. Mɛ tok nɛ syen étɛp tak etɛɛ náá, mɛ nɛ gu mot mɛ wa ɛbwaalel ɛ lam nɛ nɔ ɛnyɔɔpɛ. Tin, mɛ ɛpemyaal náá, Zɛɛb é nɛ ghwyil ɛbaal sa nyɛ nadjɛ mɛ ɛ kekum dwoo epɛɛ ɛ.

¹³ Deenek, mɛkpa mɛ etsɛɛtsɛ wɔ nagwak nɛ nam ɛ, ye é di mɛkpa mɛfulu mɛ tsik'ɔ. Tin, pyeta tɔ ɛdum ɛ kɔɲ nɛ Zɛɛb, kwyɛla bot nɛ kwyɛl di edus pɛ daa Yezu Klisto ɛ.

¹⁴ Deenek, baala mbɛɛ mɛlyo djas nazedjɛaa wɔ nɛ ghwyil Sisim na Dɛɛ di tɔ lena ɛ.

Esosoob ɛ Onezifɔɔd nɛ yii bot ɛ mɛbyel mɛ

¹⁵ Wɔ nɛ gu náá bot ɛ kyee dik Azi djas naazekaab mɛ, tɔ sama bot ɛ tak, ye nabe é nɛ Fizɛl bɛ nɛ Elmozen.

¹⁶ Beta náá, Ghɛɲ sa enɛm esa bɛ nɛ bot ɛ mɛbyel ɛ Onezifɔɔd, etɛɛ náá, nyɛ naadyeebadjɛ mɛ mɛghaaz. Tin, nyɛ nabe é ààgwak syen nɛ nam, mam mot membok.

¹⁷ Deenek, dɔ́a nyɛ tuula tɔ́ ghaada Lɔ́m ɛ, nyɛ naawa zii e ɛsaa mɛ, kɛbela mɛ.

¹⁸ Tin, beta náá, Ghɛɲ sa enɛm esa e Zɛɛb nɛ nɛ dwoɔ epɛɛ. Wɔ́y ɛmet nɛ baagu ɛnyɔɛpe esa djas nyɛ nasa nɛ nam pɛ kyee dik Efɛɛz ɛ.

2

Mɛlyo dum nɛ dɔ́a mot di egoka nɛ ɛdi mbɛɛ sodja ɛ Klisto ɛ

¹ Wɔ́y, mɔ́n'am, dia nɛ ghwyil tɔ́ enɛm nɛ embɛɛ di edus pɛ daa Yezu Klisto ɛ.

² Mɛlyo mɛ wɔ́ nadi egwak mɛ egoola e mis mɛ bɛtɛ nɛ bɛtyaasɛs ɛ. Deenek, lyoa yɛ nɛ bɛtɛtɛ ɛ bot, bot aadi nɛ ghwyil ɛ aabaalyo bɛdhiiti bot ɔ́.

³ Zuka nɛ nam dhatyee tɛtɛ sodja ɛ Yezu Klisto.

⁴ Mot di náá, nyɛ dinaa kuku esa mɛsa mɛ esodja ɔ́, nyɛ kwyɛl náá, kukuma yɛ myaala nɛ nɛ ɔ́, sa nyɛ áàbaasa dhiiti mɛsa mɛ sis.

⁵ Ye é tyee wat mot di esa mɛbhoola tɔ́ mɛsɛɲ mɛ ɛwyis ɛ kaab ɔ́. Nyɛ aabela efute ɛ, nyɛ sa dɔ́a mɛtɪɲ mɛ mɛbhoola mɛ tak di elɛɛ ɛ.

⁶ Beeka mbɛɛl mɛbhɛk di ezuk ɛlyelɛpe tɔ́ mɛsa mɛ pyeeb'ɛ ɔ́. Nyɛ goka é nɛ ɛdi mot mɛkɛn aadɛ esa nyɛ nabɛ ɛ.

⁷ Simza ɛnyɔɛpe sa mɛ di elɛɛ wɔ́ ɛ, deenek, Ghɛɲ ɛwaasa náá wɔ́ mɛt etɛp djas.

Taala Yezu Klisto mot nagom ɔ́

⁸ Taala nɛ Yezu Klisto, dha ɛ Dhavid mot nagom bhis ɛsyee ɔ́, dɔ́a Mbɛɛ Bhaadal mɛ di egoola ɛ di elɛɛ.

⁹ Ye é kɔ́ ɛsu ɛ Mbɛɛ Bhaadal'ak ɛ mɛ di ezuk, kɔ́ ɛsu ɛ tak ɛ mɛ di kɔ́la, dɔ́a mot di esa embɛɛ étɛp ɔ́. Tin, mɛkpa mɛ Zɛɛb tok kɔ́la!

¹⁰ Eteƿ tak ε me di emaad eteƿ djas kɔ esu ε bot ε Zeeb nazesεε ɔ. Me sa deenek ε etεε nάά, bot ε Zeeb nazesεε ɔ, neebela tsik ne duu na kɔm-kɔm di edus pe daa Yezu Klisto ɔ.

¹¹ Ye ε mbee me mekpa me etseεtse:
«Mena gwyeka sama wat ne Klisto ɔ,
mena waadika ne tsik sama wat ne ne.

¹² Mena pyetka ɔɔ,
mena waake sama ne ne.
Mena byenka nyε ɔɔ,
nyey pe aabyen mena.

¹³ Mena di aadika sosoob ɔɔ, nyey ε aazodie sosoob,
etεε nάά, nyey tok ne ghwyil eswonal mekpa me
nuub'ε.»

Mot-mesa me Zeeb di ekwyel ɔ

¹⁴ Baagheeleε eteƿ bak ne bot, dula be mεlo e mis ε Zeeb nάά, sa be aasu meεo kɔ esu ε mekpa. Esuu meεo menek ε aaval sa wat, mbi yenek e san ε esaab esisim e bot ε di egwak ɔ.

¹⁵ Sanja nάά, wɔ di piki e mis ε Zeeb, dάa mot-mesa di aabe ne syen e egoola enyɔpe Mbεε Bhaadal etseεtse ε.

¹⁶ Kyeea mbee melen di ebyasal εdum ε koŋ ne Zeeb ε, etεε nάά, bot ε di esa deenek ɔ epebeka ne Zeeb.

¹⁷ Melyo mɔɔ ε epebel epuud dάa pyon zeni egwyin ε. Tin, ye ε tyee wat ne Imenus ne Filetus,

¹⁸ be naazebeka ne etseεtse. Bot binɔk eezepul εdum ε koŋ ne Zeeb e bedhiiti bot, elyo bot ε nάά, Zeeb naazeghomal bot tɔ esyee.

¹⁹ Bela nάά epap nalyeelyel ee Zeeb nasum ε epepyet enyɔpe, mekpa mak ε kwyala kɔ tak:

«Gheŋ ne gu bən be», é di'enek, «Mot di eke náá, nye é mot ε Gheŋ ɔ, nye goka é ne eliig koŋ ne ebiyo.»

²⁰ Tɔ boo ndjaa, ye é aanàkwaazodi ve esaani e laad ne yii ghwooz di esaa ne epata ε toto. Ye aabaadie ne yii kpaka dɔɔ ne yii dyak. Bedhiiti kwomaa ε étɛp mebyon, bedhiiti étɛp ebeaa melu djas.

²¹ Tin, mot edis edhuud e mbee mesa me etɛp binek djas ɔɔ. Mot tak ε aadi é dáa esaani goŋ di ebeaa dwoɔ mebyon ε. Nye eezeso nyel ε djas e mesa me kukuma ye, e di'enek, nye moo é mbee mot, nye ne ghwyil ekasa tɛtɛ esesɛɛ.

²² Timote kyee a mbee egwyɛs e ngbaaz, kea tɔ epiki, ne edum ε koŋ ne Zɛɛb, ne kwyɛl, ne egwyem ne bot ε di eduwal Gheŋ ne lyem wat ɔ.

²³ Tin, sa wɔ àasuɔ meso ne etɛp di ààbe ne lo meso ε, etɛɛ náá wɔ ne gu náá, edjoo ε mɛwɔ.

²⁴ E di'enek, kwom mot-mesa ε Gheŋ ε ààgoka ne edi tɔ mɛwɔ. Nye goka é ne edi ne kwyɛl ne bot djas, ne ghwyil elyo bot, ne emaad ε lyem.

²⁵ Ye goka é náá, nye lyo bot ε meso tɔ metela, neghu Zɛɛb é ne ghwyil edje be ewala dinaa be waaswoola mefulu mɔɔ da gu etsɛtɛ ε.

²⁶ Deenek, be waabula tɔ mbee mefulu mɔɔ, da be dus e laab ε Satan mot mekoŋ, mot nazewa be e membok étɛp be neesesa mesa me ɔ.

3

Mezuk me melu me mesik

¹ Gua enyɔɛpe náá: e melu me mesik, ye aadi é ne melu me di elyel ε.

² Etɛɛ náá, bot aanàkagwyena, bot aakadi é elyem «təɔp» tɔ epata, bot eghɛɛa nyel, bot ε ebet, bot ε waabyasal Zɛɛb, bɛ aanàkaab bɛbyael bɔɔ, bot ε di ààmyaal bot nɛ ɛduwal etɛp dinaa ye é e Zɛɛb ε.

³ Bot ε tak aadi é, ààbɛ nɛ lyem kwyɛl, ààbɛ nɛ lyem ghon, bot ε məbhekel, bot ε di ekwyɛ lyem ɔ, bot ε di nɛ lyem kyet ɔ, bot ε di ààkwyɛl enɛm esa.

⁴ Bot ε endumta, bot ε di ebiyo mɛs ɔ, bot ε eghɛɛa nyel, bɛ waakwyɛl mɛnyɔ mɛ etɛp e bɔs dhaa yii Zɛɛb.

⁵ Bot binɔk sa tyee náá, bɛ ɛpedum kon nɛ Zɛɛb. Ghuna ye é bot ε di ààmyaal ghwyil di tɔ ɛdum ε kon nɛ Zɛɛb ε! E di'enek, dia ɛtsetaɛpe nɛ mbi binɔk bot.

⁶ Bɛdhiiti bot pak'ɔɔ ε nɛ mɛfulu mɛ ɛni tɔ mend-jaa mɛ bot ɛtɛp ɛkɔɔ boa di ààbɛ nɛ etson ɔ. Bɛ sa deenek ε ɛtɛp boa tak neegwak bɛ. Boa tak ε, boa di àànyɔ ɛtiibal ɔ, boa ε di tɔ tsik mesyem ɔ, bɛ nɛ dyeebakwyɛl esa e tsik epuud di ekwyɛl ε djas.

⁷ Mɛlu djas, boa tak ε ɛpesaa ɛgu sonok, tin, bɛ aanàkwaakogu ɛtsɛɛtsɛ.

⁸ Ye é dɔ́a bot tyee Zanɛs nɛ Zambɛlɛs nadi ebyen ɛtɛp ε Moiiɛ ε, ye é deenek ε bot binɔk di ebaabyen etɛp ɛtsɛɛtsɛ. Ye é bot ε mbee mɛpek dinaa ɛdum ε kon nɛ Zɛɛb tokapɛ van sonok e mis mɔɔ.

⁹ Tin, bɛ tok nɛ ghwyil ɛtɔ́ nɛ ye ɛtsetaɛpe, etɛɛ náá, bot djas ε waagu ewo bɔɔ, dɔ́a yɛ Zanɛs nɛ Zambɛlɛs.

Mɛlyo mɛ mɛsik

¹⁰ Yɛ kabɛ wɔy Timote ɔ, wɔ bɛ é wɔ eegwak mɛlyo mam ɛnyɔɛpe, tɔ mɛfulu mam, tɔ mɛsa mɛ di

ekwyeɛ ɛ sa ɛ, tɔ ɛdum ɛ koŋ ɛ lam nɛ Zɛɛb, tɔ ɛmaad ɛ lyem'am, tɔ kwyɛl'am, nɛ tɔ zii'am,

¹¹ tɔ mɛtiiga mɛ bɛ di etiig mɛ ɛ, tɔ mezuk mam. Wɔ nɛ gu ɛtɛp djas mɛ naboma nɛ yɛ pɛ ghaada Antioɔs ɛ, pɛ tɔ ghaada Ikonioɔm nɛ pɛ tɔ ghaada Listɛ ɛ. Wɔ nɛ gu mezuk mɛ mɛ naboma nɛ yɛ ɛ. Tin, Ghɛŋ nabe ɛ nɛ naapek mɛ tɔ ɛtɛp binek djas.

¹² Tsɛɛtsɛ, mot djas di ekwyeɛ ɛdi sosoob nɛ Zɛɛb, tɔ ɛgwakel nɛ Yezu Klisto ɔ, nɛ waatiigaa.

¹³ Tin, bot ɛ mbee lyem nɛ bot ɛ etsal, bɛ waatɔ sok tɔ embee mɛsa mɔɔ, bɛ waakɔɔ bɔɔ bɛsɔ bɔɔ. E di'enek, e mɛsik mɛ tak, bɛ waaswala kɔɔ mɛnyel mɔɔ mɛt.

¹⁴ Yɛ kabɛ wɔy ɔ, baala mɛdjek mɛ wɔ nadjek, da wɔ myaal nɛ lyem wat ɛ. Wɔ nɛ gu bɛlyoel wɔ nadjek pɛ daa lɔɔ ɔ.

¹⁵ Kana edhɔma bɔ, wɔ nɛ gu ekwyaɛ na Dɛɛ. Ye ɛ nɛ ghwyil ɛdʒɛ wɔ ɛtson di ɛdʒɛ mot tsik tɔ ɛdum ɛ koŋ nɛ Yezu Klisto ɛ.

¹⁶ Tɔ ekwyaɛ bɛ na Dɛɛ djas, yɛ ɛ Zɛɛb ɛ nadjɛ bot ɛtson e ɛkwyaɛ ɛ yɛ, yɛ ɛ nɛ boo mɛtan ɛtɛp ɛlyo bot ɛtsɛtsɛ. ɛtɛp ɛlyaal ɛ mot ɛdjak ɛ lɛ, nɛ ɛbulal ɛ bot sa ɛbiyo ɔ e ze, dɔɔ nɛ ɛlyaal ɛ mot tsik Zɛɛb di ekwyeɛ ɛ.

¹⁷ Ekwyaɛ na Dɛɛ binek ɛ, nakwyaɛ ɛ ɛtɛɛ mot-mɛsa ɛ Zɛɛb needi mot zedjala nɛ ɛsa ɛ mɛsa ɔ. Nyɛ needi mot dinaa, nɛ ɛ nɛ ghwyil ɛsa membi mɛ enɛm ɛsa djas.

4

Goola Mbɛɛ Bhaadal

¹ Mɛ ɛpedjaala nɛ nɔ, ɛ mis mɛ Zɛɛb nɛ ɛ mis mɛ Yezu Klisto mot aapɛɛ bot ɛ di nɛ tsik, nɛ bot ɛ

zegwyε ɔ. Mε εpedjaala nε nɔ kɔ εsu ε εbula ε Yezu Klisto, nε kɔ εsu ε εyon ε lε:

² wa zii tɔ εgoola mεkpa mε Zεεb ye nakoozodi tɔ egwyem nεghu tɔ etap. Lyaka bε, dula bε mεlɔ, ε gheη wɔ di dje bε mεghaaz ε, nε elyo bε tɔ edil ε lyem.

³ Eteε nάά, ye aadi ε nε εwala dinaa bot aanabaakwyel εgwak mbεε mεlyo ε. Tin, bε aasa e mbi bεmεpek djas εteε esa esa e mεkwosak mε mεnyel mɔɔ di ekwyel ε. Bε aadi ε, nε bεte nε embee bεlyoel aadi elyo bε etεε elyem bɔɔ di ekwos εgwak ε.

⁴ E di'enek, bε waabyen εgwak etsεetse, εteε edu ε esesa esua-sua.

⁵ Ye kabε wɔy ɔ, sa wɔ dila lyem sok bhwoob etεε binek djas. Maada lyem tɔ mezuk, wa zii e εgoola Mbεε Bhaadal, silela mεsa mε Zεεb dje wɔ ε.

⁶ Ye kabε mam ɔ, εwala eezedjala ghiya yam neesee dάa buwa, εwala εmwana nε bɔs'ak eezed-jala.

⁷ Tin, ye bε nάά, mε eeduu mbεε tuub ɔɔ, mε eekεkum pε εsik ε kaab mε na pat ε, mε eebaal εdum ε koη nε Zεεb.

⁸ Nenak, efute εpebwood mε etεε nάά, mε eekwak. Efute tak ε kɔtɔ duu, ye ε kɔtɔ mot epiki. Ye ε nyey Gheη mbεε tetεε ε kwaadjε mε dwoo mεpεεa ε. Tin, nyε aanakwaadjε mam εmet, nyε aadjε ε dɔɔ nε bot djas di egwal εwala nyε aatuula ε.

Mεlyo mε Pɔl pεε dάa Timote

⁹ Tin, sa mεghaaz etεε nάά, wɔ neeleezεbela mε.

¹⁰ Dhemas naazekaab mε, etεε nάά lyem tɔ kwyl esa e bɔs'ak. Nyε eetɔ pε ghaada Tesalonik. Ye kabε

Keleson ɔ, nyε eetɔ pε ghaada Ghalati. Tit naazetɔ yε pε ghaada Dhalmati.

¹¹ Luk nyε emet ε kalik bis nε nε. E sok wɔ aazyε é, dha bi nε Malak. Etεε náá, nyε nε ghwyil ε zεkwyee mε tɔ mɛsa mε Zεɛb.

¹² Mε eelwom Tisik pε ghaada EfεεZ.

¹³ E sok wɔ waazyε é, da wɔ zyε mε nε ndjookuwa yam ee mε nalik pε ghaada Toloas pε tɔ ndjaŋ ε Kalpus ε. Tin, da wɔ baanɔ mε mɛkana mam, dan-dan ε mɛkana nasaɛl nε eket betit.

¹⁴ Deenek, Alekzandεlε lulel egwooz nadyeebasa mε εbiyo. Tin, Ghεŋ nyε emet waadjε nyε efute mɛsa mε.

¹⁵ Tin, wɔ goka é nε εbaadi nε etson nε nε, etεε náá nyε bε é nyε dyeebasuu mɛso nε mɛlyo mε bis nadi elyo ε.

¹⁶ Tin, mot ngɔt nabε é ààkεm e sok mε nadi etanɔl tanɔl yam yii mɛkεn ε, bot djas nakaab mε. Beta náá, Zεɛb nàlaa syem tak kɔ lɔɔ.

¹⁷ Tin, Ghεŋ nakwyee mε, nyε naadjε mε mεghaaz! Wɔ gwaa, mε zεgoola Mbεε Bhaadal yε pε daa bot di ààbε tɔ dhaad mbyak eYuda ɔ. Ghεŋ naapek tɔ nuub ghee.

¹⁸ Deenek, Ghεŋ waabaapek mε tɔ embee etεp djas. Tin, nyε aatsik mε ε étεp nyε neeniigal mε tɔ εyon ε lε di tɔ gwoo ε. Beta náá, duu di nε nε kɔm-kɔm sii nε kɔm! Ye di deenek!

Mεswosel mε mεsik

¹⁹ Da wɔ é swos Pilisil bε nε Akilas dɔɔ nε bot ε mεbyel ε Onezifɔɔd.

²⁰ Elast eelik pε ghaada Koolεt. Tin, mε eelik Tolofim pε ghaada Milε, etεε náá nyel nadi ekpaa nyε.

²¹ Deenek, sa mɛghaaz wɔ kum, ɛsok nɛ mbu bɛbhi nɛ kan. Ebulus, Pudɔɔ, Linus, Kolodya nɛ bɛdhiiti bɔn nyoog, bɛ eeswos wɔ.

²² Beta nɔ́á, Ghɛɲ di nɛ nɔ. Beta nɔ́á enɛm nɛ embɛɛ e Zɛɛb di nɛ nen.

Bekwel

Bekwel: Bekwel (New Testament)

copyright © 2024 Wycliffe Bible Translators, Inc.

Language: Bekwel

Contributor: Wycliffe USA

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-04-26

PDF generated using Haiola and XeLaTeX on 26 Apr 2025 from source files dated 26 Apr 2025

93bbbee1-b255-555f-8c39-01878a3cad57